

Dienelkander



Nuusbrief van die Gereformeerde Kerk Potchefstroom-Oos

10 Maart 2019

OGGENDDIENS: Ds. Piet

Ons is baie dankbaar om vanmore weer die voorreg te beleef om aan die tafel van die Here te deel. Lidmate van ander gemeentes wat aansoek gedoen het om saam met ons Nagmaal te vier, word hartlik daartoe uitgenooi.

Ons sluit vanoggend die reeks preke oor jeugbediening in ons gemeente af.

Die temas wat alreeds tot dusver in die reeks aan die orde gekom het:

20 Jan - Hooglied 8 oor die huwelik as kern vir gesonde gesinne.

10 Feb - Sameul 1 en 2 oor gesonde gesinne as kern van goeie jeugbediening.

24 Feb - Deut 6 - Belydenisaflegging: 'n Mooi vrug en mylpaal van jeugbediening.

3 Maart - Deut 6 en Rigters 2 - Gemeente: Leef en leer vir julle kinders die genade van die Here.

Tema: Kinders is vir God baie belangrik en Hy gebruik hulle om grootmense te leer.

Sang met die oog op die erediens:

Skrifberyming 10-2

Ontmoetingsdiens

Intreelied Ps 131-1: 1, 2; Vers 3 as Votum; Seëngroet; Loflied Ps 89-1: 1, 2, 3
Geloofsbelofte uit Sondag 1 (interaktief)

Verootmoedigingsdiens

Wet - fokus op Vierde gebod; HK Sondag 38; Sing Ps 84-2: 1, 4; Gebed

Woorddiens

Skriflesing: Matteus 18: 1 - 14 en Markus 10: 13 - 16

Teks:

Markus 10: 13 - 16

Woordverkondiging

Sakramentsbediening

Verkorte formulier vir Nagmaal; Sing Sb 17-3: 1, 2; Nagmaalbediening; Sing aan tafel: Ps 118-2: 7, 8; Gebed

Antwoorddiens

Liefdegawes; Sing Sb 17-2: 1, 2, 3, 4 (Mel van Ps 100); Seën; Amen Sb 13-2.

AANDDIENS: Ds Pieter van der Walt

Tema: Die hart van ons godsdiens: die heiligeheid van God se Naam

Israel is weggevoer in ballingskap omdat hulle ontrou was aan die hart van hulle godsdiens: hulle het die Naam van die Here in oneer gebring deur ander gode te aanbid. Hieroor moes die volk gestraf word maar in die proses sê die Here vir Esegiël dat hy vir die volk moet sê: "Dit is nie ter wille van julle dat Ek optree nie, Israel, maar ter wille van

my heilige Naam wat deur julle oneer aangedoen is onder die nasies waar julle gekom het".

Dit gaan om God se Naam wat in oneer gebring is. God se Naam is heilig want God se Naam is God self! Die Here leer ons om so te bid in die gebed wat Hyself gegee het. Die tweede bede van die Onse Vader-gebed lui: "...laat u Naam geheilig word..."

Vraag is: doen ons dit en leer ons as ouers ons kinders om dit van kleins af te doen?

Lofsang met die oog op die erediens

Lied 203: 1, 2, 3

Ontmoetingsdiens

Ps 138-1:1; Votum; Seën; Lofsang
Ps 145-1: 1, 2

Verootmoedigingsdiens

Gebed

Woorddiens

Skriflesing: Esegiël 36:16-38; Sondag 47 van die Heidelbergse Kategismus.

Teks: Esegiël 36: 22, 23

Woordverkondiging

Antwoorddiens

Gebed; Liefdegawes; Sing Ps 116-1: 1, 10;
Seën; Amenlied Sb 13-2.

MEELEWING

- Shantell Andersen(Groep 25 - 081 503 5978) se suster se kinders was in 'n ernstige motorongeluk waar die baba en mamma baie seergekry het en kritiese tye in die hospitaal beleef.

Ons bid dat die Here bemoediging en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snymans, Bert Floor, Jacoba v Rooy, Magdaleen Venter, Grobbie Grobler, Andy en Blossom Pretorius, Koos en Marlene Jooste, Lana Labuschagne, asook Andries en Driekie Coetzee.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Marian de Kock (082 950 4358) en Ernest de Vries (082 903 8422)
Medikliniek = 9:00-13:00 en 15:00-20:00
Mooimed = 11:00-11:30 en 15:00-16:00 en 19:00-20:00
Potch Hospitaal = 15:00-16:00 en 19:00-20:00

NAME VIR GOEDKEURING DEUR DIE GEMEENTE

Die volgende name word aan die gemeente voorgehou om te dien as kerkraadslede.

Ouderlinge: Ampie Venter en Bok Jordaan

Diakens: Ria Robberts, Japie Visser, Zach v Heerden, Marinus Lazenby, Jurgen Schreck en Shantell Andersen

NUUS VAN DIE VLAMVATSPAN

Ons Vlamvatspan wil graag die volgende aan die gemeente deurgee:

1. Vordering met strategiese prioriteite
Die bedieningswerk aan die eerste prioriteit wat ons as gemeente gestel het naamlik "Jeugbediening" vorder goed.
Die naskoolse jongmense en studente se bediening kom baie mooi op dreef en die taakspan wat die Skoolgaande jeug se strategiese beplanning doen, is mooi op dreef en ons verwag een van die dae terugvoer oor hulle planne.

Die Vlamvatspan het daarom besluit dat ons nou aan ons tweede en derde strategiese prioriteite moet begin aandag gee naamlik “Evangelisasie” en “Uitreik na ons gemeenskap”. Hierdie twee prioriteite sluit baie nou by mekaar aan en sal saam aangepak word. Die Vlamvatspan is besig om ‘n taakspan onder leiding van prof Naas Ferreira saam te stel wat hierdie strategiese beplanning moet gaan doen.

UITNODIGING: Enige lidmaat wat voel dat die Here die saak van die uitdra van die evangelie na buite op jou hart druk, moet asseblief by die taakspan kom aanmeld! **Alle lidmate wat reeds by bestaande bediening na buite projekte betrokke is, vorm deel van die taakspan** en sal genooi word om saam skouer aan die wiel te sit om nuut te dink oor hierdie kernopdrag wat die Here aan ons as sy kerk gee.

2. Volgehoue voorbidding

Die Vlamvatspan wil graag weer lidmate herinner aan die kritieke belang van elke lidmaat se volgehoue voorbidding vir hierdie dienswerk.

- 2.1 Bid asseblief dat die Here jong lidmate sal opwek om as kleingroepleiers by die naskoolse jeug en studente te help.
- 2.2 Bid vir die 3 taakspanne wat hard werk om deeglik te beplan en dat die planne tot uitvoering gebring kan word.
- 2.3 Bid dat die Here lidmate sal opwek om deel te word van die Evangelisasie en Uitreik taakspan.

Vlamvatgroete

PROGRAM VAN DIE WEEK

Vandag

- 09:00 Gebedsgroep
- 09:30 Oggenddiens
 - Geen Kleuterbediening
 - Geen Katkisasie
 - Tee en koffie in die Skuur
 - Nagmaalete
- 18:00 Aanddiens

Maandag

- 18:00 Oosdopperfees

Dinsdag

- 06:00 Manne ondersteuning
- 18:00 Klassis Potchefstroom by Suid

Woensdag

- 09:30 Bybelstudie in konsistorie
- Geen Katkisasie vir Gr 9 en 11
- Geen Katkisasie Gr 8
- 19:00 Bybelstudie

Donderdag

- 18:30 Vlamvat-taakspan

Vrydag

- Skole sluit
- Koningskinders
- Diensgroepverslae in handig

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir die Diakonie.
- Gawes volgende Sondag vir die Teol. studentekas.
- Vrywillige bydrae vir voertuigsekuriteit in die bussies by die deure.
- Diensbeurte: Groep 30 en 31.

VERJAARSDAE

Baie geluk aan almal wat DV hierdie week verjaar!

Sondag, 10 Maart

Sr Karla Kruger 082 551 3834

Maandag, 11 Maart

Br Johan Marais 079 029 3701
Sr Marna Naude 083 237 8810

Dinsdag, 12 Maart

Sr Beatrix Coetzee (73) 082 897 7158
Sr Rita Schutte (76) 082 654 2811

Jbr Etienne Steenkamp
Br Nardus v Zyl 082 492 9505

Woensdag, 13 Maart

Br Hennie Kilian (81) 083 285 3824
Jbr Thinus Vorster 084 505 5010

Donderdag, 14 Maart

Sr Marthie Schoeman 082 920 7082
Jsr Carli Styger
Sr Em Volschenk 082 564 1940

Saterdag, 16 Maart

Br Kobus vd Walt 076 087 8920

SAKE VIR LIDMATE SE AANDAG VANAF DIE BEDIENINGSDIENSGROEP

Heelwat lidmate is nog nie bewus van die kerkraad se besluit om br Hanno van Schaik te vra om (soos ds Pieter en prof Herrie) hulpdiens in die gemeente te doen nie. Hy neem die volgende dienswerk waar:

1. Hy gaan voort met die naskoolse en studentebediening en kleingroepe
 2. Hy word deel van Vlamvat se Skoolgaande jeug beplanningsgroep saam met Heleen Coetzee om daar insette te lewer.
 3. Hy neem die Gr 8 weekskatkisasieklas waar.
 4. Hy doen pastorale besoeke by naskoolse jongmense per naamlys - ook gerig op Mooirivier Lidmate se inskakeling.
 5. Hy neem een preekbeurt per maand.
 6. Hy neem die Bedieningsdiensgroep se agenda en notule by die skriba oor.
 7. Hy help uit met katkisasie-opening op Sondae soos waar nodig om Adele Human by te staan.

in die bediening van die gemeente kan gebruik.

MILDEHANDE ... 'n KORT OPSOMMING

21 Januarie 2019 was Mildehande reeds 3 jaar doenig met menige takies.

Ek hou almal wat betrokke is en was, graag op hoogte van ons vordering en gee graag terugvoering:

2016: Syferfontein: Musse, serpe en kouse vir 30 van kinders. Ander kinders in gemeente, musse en serpe.

2016: Ons Hulde: Persoonlike benodigdhede asook, serpe, musse en bedkouse vir almal. Kersmark: Teddiebere

2017: Ons Hulde: Nadat ons hulle besoek het en 'n opname van hulle behoeftes gemaak het: Sepies, waslappe, lyfpoeier, ens. Gebrei: Musse, serpe en bedsokkies.

Okt. Kinderfees: Gebreide beertjes - 70 is uitgedeeld

2018: Sweetpakke en musse gemaak vir 35 kinders

2019: Hekel en brei "trooskomberies" vir kinders met kanker, asook vir Ons Hulde.

Enige blokke gebrei of gehekel, is welkom 20cm by 20cm.

Kombersies sal 20 blokke elk benodig vir mate van 80cm by 60cm.

Dankie vir donasies, wol, patronen en Materiaal, asook R320.00 kontant. Elke lid van die span het ook ekstra wol aangekoop.

(LW: Die Mildehande groep, is bokant 65 en werkloos)!

In Groot nederigheid en met dankbare harte,
bring ons lof en eer aan ons Vader se
Mildehande.

Ons dank die Here vir die mooi gawes wat
Hy aan Hanno gegee het en dat ons hom so

HUWELIKSHERDENKINGS - 50 JAAR

Ons weet van 4 pare wat vanjaar 50 jaar getroud is. Ons wil 'n "dankbaarheids-etetjie" onder mekaar reël. Kontak Petri Schutte indien jy hierdie jaar 50 jaar getroud is en saam met hulle 'n ete wil hou. (082 375 3331)

Teologiese Skool Potchefstroom

Fietstoer 150 jaar

Baie jare gelede (150 jare om presies te wees), in die jaar 1869, het die Gereformeerde Kerke van Suid Afrika saam besluit: ons benodig 'n Teologiese Skool om predikante vir die kerke op te lei. So is die Teologiese Skool van die GKSA in November 1869 te Burgersdorp gestig.

'n Bietjie minder jare gelede, in die jaar 1905, is daar egter besluit dat die Teologiese Skool eerder in Potchefstroom behoort te wees, met die gevolg dat al die professore en studente met al hulle boeke en kundigheid verhuis het tot waar die Teologiese Skool nou in Potchefstroom is.

Nog 'n bietjie minder jare gelede (50 jare om presies te wees), in die jaar 1969, het 'n groep studente besluit om die reis van Burgersdorp na Potchefstroom weer oor te doen, as Eeufeesherdenking van die oprigting van die Teologiese Skool in Burgersdorp. Sodoende het 'n perdekommndo van ongeveer 20 studente die roete vanaf Burgersdorp tot in Potchefstroom te perd afgelê.

In 2019 word die 150ste bestaansjaar van die Teologiese Skool (en NWU) herdenk, en wat is 'n beter manier om dit te doen as om in die spore van ons voorgangers te volg.

21 Maart 2019, gaan 'n groep van 10 studente, 2 professore en 'n ondersteuningspan van 5, met hulle ysterperde vanuit Burgersdorp vertrek. Die afstand van 680km sal oor 8 dae getrap word, sodat hulle DV die 28e Maart om

10:30 weer in Potchefstroom sal aankom.

Ons nooi julle hartlik uit om die fietsryers saam met ons op **28 Maart** by die **Kerkmuseum in Molenstraat** te kom verwelkom. Die verrigtinge begin om **09:30** met besigtigingstoere deur die Kerk- en Totiushuismuseums. Nadat ons die fietsryers om **10:30** verwelkom het, sal daar 'n kort program wees:

- Verwelkoming deur die Rektor TSP – Prof Gert Breed
- Oorhandiging van boodskap vanaf Burgersdorp – Dirk Meijer
- Antwoord – Prof Chris vd Walt
- Oorsig van geskiedenis – Prof Francois Muller
- Skriflesing en oordenking – Prof Ben de Klerk
- Bedankings – Ds Piet Venter
- Verversings

Indien u die verrigtinge wil bywoon, skakel asb vir Elsabé Labuschagne 018-299 1846 of stuur 'n e-pos na elsabe.labuschagne@nwu.ac.za

Ons sien uit daarna om u hier te ontvang.

KENNISGEWINGBORD

- Huis te huur
- Huiswerker vir 2 dae 'n week beskikbaar
- Verwer beskikbaar

BEROEOPENUUUS BEROEPE ONTVANG

- Ds DFC Kruger (Dirk) van Zeerust na Vaalpark

ALGEMENE INLIGTING

• WOW-HERWINNINGS PROJEK

Papier, plastiek, karton, glas, blikkies en polistireen - *hoef nie gesorteer te wees nie, herwinningsitems moet wel in plastieksakke toegebind wees EN PLASTIEKBOTTELS MOET ASB PLAT GETRAP WORD. ASB GEEN huisafval nie!* Die glas/blikkies/plastiek moet asb uitgespoel wees.

• LIEFDEGAWES VIR BARMHARTIGHEID (DIAKONIE) ZAPPER

Slegs bydraes vir Barmhartigheid (Diakonie)

kan daarmee gemaak word - geen ander betalings aan die Diakonie of kerkraad nie



• SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien word:

<http://ow.ly/ivfZ309vsdc>.



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –

082 851 3637

Prof. Herrie v Rooy –

083 700 3933

Hanno van Schaik –

072 105 3961

Kerkkantoor: Adele 018 290 7690

Kosterspaar: Johan 061 336 7255

Elsa 073 959 8051

LIGGIES TE KOOP

Daar is van hierdie liggies in die kerkkantoor beskikbaar @ R58 elk. SLEGS kontant met aankoop asb.



BAIE DANKIE AAN ONS BORG VAN DIE WEEK!



ONS SPESIALISEER IN DIE VOLGENDE:

- | | |
|------------|------------------------|
| • Fyngebak | • Kruie |
| • Pasteie | • Speserye |
| • Koekies | • Bakbestanddele |
| • Beskuit | • S.A. Droëvrugte |
| • Terte | • Verpakkingsmateriaal |

"Ons bak met passie"

Gouwsstraat 7 Potchefstroom

Tel : (018) 294 4271



SUSTERS IN DIE GELOOF

“Om-gee-wingsbewus”

Teeskinkgeleenheid

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Sonette Turkstra en groep 5, Erika Rood en groep 14, Lana Laufs en groep 25, asook Stephanie Earle en groep 34.

Volgende week skink Karin Kruger en groep 6, Naetta v Zyl en groep 15, Mari Steyn en groep 27, asook Nelleke du Toit en groep 35 se susters, tee. Baie dankie julle!

Blikkies-warmharte




Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. **Baie dankie vir julle getroue bydraes!**

Sustersbydrae



Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenheid geïn word. Hierdie geld word gebruik om na minderbevoordele gesinne uit te reik en daar word jaarliks aan verskillende verdienstelike instansies, donasies gegee.

Nagmaalete



Baie dankie aan Elsie Ferreira en die susters van Blok D wat vandag vir ons 'n heerlike Nagmaalete voorsit.



OOSDOPPERTJIES

GOD ALLEEN

Matteus 6:24 "Niemand kan vir twee base tegelyk werk nie. Hy sal of die een minder ag en die ander een hoër, of vir die een meer oorhê en die ander een afskeep. Julle kan nie God en Mammon dien nie."

Maak 'n glas heeltemal vol met water. Kan jy daardie selfde glas nou volmaak met melk? Natuurlik nie, die glas is mos klaar vol water. Net so kan jou hart nie tegelyk met twee dinge vol wees nie. Wanneer twee dinge aanspraak maak op jou aandag en energie, gaan een van die twee dinge verwerp word. Party mense se harte is vol liefde vir geld eerder as liefde vir God. Geld kan nie die belangrikste ding in jou lewe wees nie. God wil die belangrikste in jou lewe wees en Hy deel hierdie plek in jou hart met niks anders nie. Wy jou net aan God toe.



GEDAGTE VAN DIE WEEK!

